



Broj: 01-02-1697/17
Ilidža, 21.04.2017.godine

OPĆINSKIM VIJEĆNICIMA

U skladu sa napomenom koju ste dobili uz poziv za 6.redovnu sjednicu Općinskog vijeća zakazanu za 27.04.2017.godine, u prilogu Vam dostavljamo materijal za tačku 10 - Prijedlog Odluke o održavanju izbora za članove Savjeta Mjesne zajednice Stup II.

S poštovanjem,

PREDSJEDAVAJUĆI

Muhamed Omerović, s.r.

DOSTAVLJENO:

1. Naslovu
2. Općinski načelnik
3. Političkim partijama (x9)
4. a/a



Broj: 17-sl/17-
Ilidža, 21.04.2017.godine

SAGLASNOST

prof. dr. Senaid Memić



OPĆINSKI NAČELNIK

PREDMET: Dostava Prijedloga Odluke o održavanju izbora
za članove Savjeta MZ Stup II

U prilogu dopisa dostavljamo Vam Prijedlog Odluke o održavanju izbora za članove Savjeta MZ
Stup II.

PO OVLAŠTENJU
OPĆINSKOG NAČELNIK
Azreta Grebović
Azreta Grebović, dipl.pravnik

DOSTAVLJENO:

1. Naslovu
2. a/a





Broj: 11-49-192/17-02
Ilidža, 21.04.2017.godine

OPĆINA ILIDŽA
OPĆINSKI NAČELNIK



SAGLASNOST
prof. dr. Senaid Memić

PREDMET: Dostava Prijedloga Odluke o održavanju izbora
za članove Savjeta MZ Stup II

U prilogu dopisa dostvljamo Vam Prijedlog Odluke o održavanju izbora za članove Savjeta MZ Stup II.

S poštovanjem!

DOSTAVLJENO:
1x Naslovu
1x a/a

ŠEF STRUČNE SLUŽBE

Enes Čorbo





Broj: 01-
Ilidža, 21.04.2017.godine

Na osnovu člana 70. stav (3) Statuta općine Ilidža - Prečišćeni tekst ("Službene novine Kantona Sarajevo", broj 33/10, 18/16) i Zaključka Kolegija Općinskog vijeća (broj 01-02-1697/17 od 20.04.2017.godine), Općinsko vijeće na 6.redovnoj sjednici, održanoj dana 27.04.2017.godine donijelo je

Prijedlog

ODLUKU O ODRŽAVANJU IZBORA ZA ČLANOVE SAVJETA MZ STUP II

Član 1. (Datum održavanja izbora)

Ovom Odlukom Općinsko vijeće Ilidža vršeci pravo nadzora nad radom organa Mjesne zajednice Stup II utvrđuje da se izbori za članove Savjeta Mjesne zajednice Stup II održe dana 14.5.2017.godine (nedjelja) u vremenu od 8-18 sati.

Član 2. (Broj članova Savjeta mjesne zajednice)

U skladu sa Pravilima Mjesne zajednice Stup II, u Savjet Mjesne zajednice Stup II bira se sedam (7) članova.

Član 3. (Održavanje Zbora građana)

Zadužuje se Savjet Mjesne zajednice Stup II da se Zbor građana ove mjesne zajednice zakaže i održi dana 5.5.2017.godine (petak) u 17 sati i da ovaj Zbor građana do izbora predsjednika Zbora građana vodi član Savjeta Mjesne zajednice kojeg ovlasti Savjet Mjesne zajednice Stup II.

Član 4. (Postupak izbora predsjednika Zbora građana)

- (1) Prilikom izbora predsjednika Zbora građana Mjesne zajednice Stup II, obaveza je da svi prisutni građani ove mjesne zajednice na izvodu iz Centralnog biračkog spiska lično se potpišu, kako bi se provela procedura utvrđivanja tačnog broja prisutnih građana na ovom Zboru.
- (2) Zbor građana je dužan da poimeničnim glasanjem, uz prozivanje koje će vršiti sekretar Mjesne zajednice Stup II, utvrdi tačan rezultat glasanja za predložene kandidate za predsjednika Zbora građana ove mjesne zajednice.

Član 5.
(Kandidati za članove Savjeta Mjesne zajednice)

Zbor građana Mjesne zajednice Stup II dužan je utvrditi prijedlog liste kandidata javnim predlaganjem kandidata i njihovom verifikacijom, a listu predloženih kandidata po utvrđenim teritorijalnim cjelinama i potpisanim izjavama o prihvatanju kandidature dostaviti Stručnoj službi za koordinaciju rada mjesnih zajednica, najkasnije do 9.5.2017.godine (utorak).

Član 6.
(Važeće izborne aktivnosti)

Do dana donošenja ove Odluke aktivnosti koje su poduzete u procesu pripreme održavanja izbora u Mjesnoj zajednici Stup II u skladu sa Odlukom o raspisivanju izbora za članove Savjeta mjesnih zajednica Općine Ilidža ("Službene novine Kantona Sarajevo", broj 11/17) ostaju na snazi i to:

- izvod iz Centralnog biračkog spiska za MZ Stup II sa danom 3.4.2017.godine
- imenovanje izborne komisije, biračkog odbora i mobilnog tima
- biračko pravo i glasanje mobilnim timom
- obuka biračkih odbora
- određivanje biračkih mjesta.

Član 7.
(Primjena odluke)

Na izbore iz člana 1. ove Odluke primjenit će se odredbe Odluke o raspisivanju izbora za članove Savjeta mjesnih zajednica Općine Ilidža ("Službene novine Kantona Sarajevo", broj 11/17), koje nisu u suprotnosti sa ovom Odlukom.

Član 8.
(Objavljivanje)

Ova Odluka objavit će se u "Službenim novinama Kantona Sarajevo", WEB stranici Općine i Oglasnoj ploči MZ Stup II.

PREDSJEDAVALAČI

Muhamed Omerović

DOSTAVLJENO:

1. Općinski načelnik
2. Stručna služba za koordinaciju rada MZ-a
3. Savjet MZ-Stup II - putem Stručne službe za koordinaciju MZ-a
4. Općinska izborna komisija Ilidža
5. Služba za obrazovanje, kulturu, sport i informisanje
6. Služba za zajedničke poslove
7. Služba za finansije
8. Služba za opću upravu
9. Za objavu "SNKS"
10. WEB stranica Općine Ilidža
11. Evidencija
12. a/a



O b r a z l o ž e n j e

Općinsko vijeće Ilidža na 4.redovnoj sjednici održanoj dana 23.02.2017.godine donijelo je Odluku o raspisivanju izbora za članove Savjeta mjesnih zajednica Općine Ilidža.

U skladu sa naprijed navedenom Odlukom, izbori za Savjet svih mjesnih zajednica održat će se dana 23.04.2017.godine u vremenu od 8 – 18 sati.

Svi Savjeti mjesnih zajednica, osim Savjeta Mjesne zajednice Stup II, su do dana 20.04.2017.godine proveli sve aktivnosti koje su potrebne da bi se izbori održali dana 23.04.2017.godine.

U toku provođenja izbornih aktivnosti za navedene izbore, Komisija za Statut i propise i Komisija za prostorno planiranje, mjesne zajednice, komunalne poslove i ekologiju, u postupku vršenja nadzora nad radom organa mjesnih zajednica su održale svoje sjednice u mjesecu martu 2017.godine (27. i 28.marta 2017.godine) i konstatovale da je Savjet MZ Stup II donošenjem Zaključka od 17.03.2017.godine prekršio važeća Pravila MZ Stup II jer je povećao broj članova Savjeta MZ Stup II sa sedam na devet članova.

Navedeni Zaključci ovih radnih tijela dostavljeni su Savjetu MZ Stup II i Savjet Mjesne zajednice je zakazao novi Zbor građana za dan 03.04.2017.godine koji je prekinut.

Novi Zbor građana održan je dana 12.04.2017.godine na kojem je biran predsjednik Zbora i utvrđivani prijedlozi kandidata za članove Savjeta ove mjesne zajednice.

Nakon održanog navedenog Zbora građana, Općinskom vijeću Ilidža aktom Stručne službe za koordinaciju rada mjesnih zajednica (broj 11-49-354/17 od 14.04.2017.godine) dostavljen je prigovor Habota Samira na rad Zbora građana ove mjesne zajednice od 12.04.2017.godine. Navedeni prigovor razmatrala su nadležna radna tijela (Komisija za Statut i propise i Komisija za prostorno planiranje, mjesne zajednice, komunalne poslove i ekologiju) na sjednicama održanim dana 20.04.2017.godine i tom prilikom donijela su zaključke. Navedene zaključke ovih radnih tijela Zaključkom je usvojio Kolegij Općinskog vijeća na sjednici održanoj dana 20.04.2017.godine. Kolegij Općinskog vijeća je u dnevni red 6.redovne sjednice Vijeća koja će se održati 27.04.2017.godine uvrstio kao tačku dnevnog reda – Prijedlog Odluke o održavanju izbora za članove Savjeta Mjesne zajednice Stup II i zadužio da nosioci izrade navedene odluke budu Stručna služba za koordinaciju rada mjesnih zajednica i Stručna služba za poslove Općinskog vijeća Ilidža. Kolegij Vijeća je utvrdio da će se navedeni izbori održati dana 14.05.2017.godine.

U skladu sa naprijed navedenim, Prijedlog navedene Odluke dostavlja se na razmatranje i usvajanje Općinskom vijeću Ilidža.





Broj, 01-02-1697/17
Ilidža, 20. 04. 2017. godine

Na osnovu člana 22. Poslovnika o radu Općinskog vijeća Ilidža („Službene novine Kantona Sarajevo“, broj 36/10), u okviru tačke dnevnog reda *Tekuća pitanja*, a prilikom razmatranja Prigovora Habote Samira na rad Zbora građana MZ Stup II koji je održan dana 12. 04. 2017. godine, na prijedlog Komisije za Statut i propise i Komisije za prostorno planiranje, mjesne zajednice, komunalne poslove i ekologiju, Kolegij Vijeća na sjednici održanoj dana 20. 04. 2017. godine donio je

ZAKLJUČAK

1. Kolegij Općinskog vijeća prihvata donesene zaključke Komisije za Statut i propise i Komisije za prostorno planiranje, mjesne zajednice, komunalne poslove i ekologiju od 20. 04. 2017. godine i zahtjeva od organa MZ Stup II da postupe po istim jer se nisu stekli zakonski uslovi za provođenje dalje procedure za održavanje izbora za članove Savjeta MZ Stup II za dan 23. 04. 2017. godine.
2. Kolegij Općinskog vijeća uvrštava u dnevni red 6. redovne sjednice Općinskog vijeća tačku *Prijedlog Odluke o održavanju izbora za članove Savjeta MZ Stup II*, čiji će nosilac izrade biti Stručna služba za koordinaciju rada MZ i Stručna služba za poslove Općinskog vijeća Ilidža.
3. Kolegij Općinskog vijeća je utvrdio da se izbori u Mjesnoj zajednici Stup II održe 14. 05. (NEDJELJA) 2017. godine.
4. Sastavni dio ovog Zaključka su stavovi Komisije za Statut i propise i Komisije za prostorno planiranje, mjesne zajednice, komunalne poslove i ekologiju sa sjednica održanih 20. 04. 2017. godine.

ZAMJENIK PREDSDJEDAVALA

Edin Hošić

DOSTAVLJENO:

1. Općinski načelnik
2. Stručna služba za koordinaciju rada MZ
3. Savjet mjesne zajednice Stup II putem Stručne službe za koordinaciju rada MZ
4. U materijalu za 6. redovnu sjednicu
5. Evidencija
6. a/a





Komisija za Statut i propise

**Broj: 01-02-362/17-3
Ilidža, 20.04.2017.godine**

OPĆINSKOM VIJEĆU ILIDŽA

Komisija za Statut i propise na 3.sjednici održanoj dana 20.04.2017.godine, razmatrala je kao tačku dnevnog reda - *Prigovor na rad Zbora građana MZ Stup II*, koji je održan dana 12.04.2017.godine.

Komisija za Statut i propise je konstatovala da je Stručna služba za koordinaciju rada mjesnih zajednica aktom broj 11-49-354/17 od 14.04.2017.godine, dostavila Općinskom vijeću Ilidža prigovor Habota Samira na rad Zbora građana koji je održan dana 12.04.2017.godine.

U dostavljenom prigovoru Habota Samir je naveo:

“Da na sjednici Zbora građana MZ Stup II, održanoj dana 12.04.2017.godine, prilikom izbora predsjednika Zbora građana prebrojavanjem glasova (glasanje izvršeno podizanjem ruku) niko nije konstatovao tačno koliko je imao glasova jedan a koliko drugi predloženi kandidat. Za predsjednika Zbora je imenovan kandidat koji je imao “većinu” glasova što je neprihvatljiv način prebrojavanja glasova. I nakon “izbora” predsjednika sjednicu Zbora je i dalje vodio predsjednik Savjeta.

Predlaganje kandidata za članove Savjeta takođe nije urađeno po usvojenim normama jer za određene cjeline kandidovan je samo po jedan kandidat a u nekim ni nakon 24 sata kandidati nisu potpisali izjavu da prihvataju kandidaturu što znači da od sedam cjelina tri cjeline ostaju samo sa jednim kandidatom.

Smatram da Zbor građana nije proveo izborni postupak po važećim normama i tražim poništenje i novo provođenje izbornog postupka u ovoj mjesnoj zajednici.”

Na osnovu člana 78. Statuta općine Ilidža – prečišćeni test (“Službene novine Kantona Sarajevo”, broj 33/10, 18/16), Komisija za Statut i propise u postupku vršenja nadzora nad radom organa mjesnih zajednica, a povodom dostavljenog prigovora na rad Zbora građana MZ Stup II koji je održan dana 12.04.2017.godine, razmatrala je navedeni prigovor kao i naknadno dostavljenu dokumentaciju Stručne službe za koordinaciju rada mjesnih zajednica.

Na sjednici Komisije prisustvovao je šef Stručne službe za koordinaciju rada MZ i sekretar MZ Stup II, i članovima Komisije dostavljen je Izvod iz Zapisnika sa navedenog Zbora građana, broj: 11.15.49.275/17 od 18.04.2017.godine.

Komisija je konstatovala i podsjetila na činjenicu da je dana 28.03.2017.godine održala sjednicu, kada je kao tačku dnevnog reda razmatrala i zauzela svoj stav na Zaključak III Savjeta MZ Stup II od 17.03.2017.godine, u kojem je konstatovano da je Savjet MZ Stup II donošenjem navedenog Zaključka prekršio važeća pravila MZ Stup II jer je povećao broj članova Savjeta MZ Stup II sa 7 na 9 članova.

Članovi Komisije su upoznati da su doneseni Zaključci ove Komisije dostavljeni Savjetu MZ Stup II, kao i da je Savjet MZ Stup II zakazao Zbor građana za dan 3.4.2017.godine, koji je prema informacijama Stručne službe za koordinaciju rada MZ prekinut .

Nakon svega navedenog Komisija za Statut i propise je donijela slijedeći

ZAKLJUČAK

1. Komisija za Statut i propise je utvrdila da na Zboru građana MZ Stup II održanom dana 12.04.2017.godine nije utvrđeno koliko tačno glasova su dobili predloženi kandidati za predsjednika Zbora građana ove mjesne zajednice.
2. Kandidati za članove Savjeta MZ Stup II na naprijed navedenom održanom Zboru građana nisu predlagani u skladu sa Odlukom o raspisivanju izbora za članove Savjeta mjesnih zajednica Općine Ilidža ("Službene novine Kantona Sarajevo", broj 11/17) i Pravilima MZ Stup II jer kandidati nisu javno predlagani na održanom Zboru građana već na način da su pojedini građani prilazili zapisničkom stolu kod sekretara mjesne zajednice i diktirali imena kandidata.
3. Nakon provedene procedure od strane Stručne službe za koordinaciju rada mjesnih zajednica na potpisivanju izjava o prihvatanju kandidature za izbore člana Savjeta MZ Stup II konstatovano je da u III (trećoj) cjelini ima predložen samo jedan kandidat, a VII (sedma) cjelina nema kandidata.
4. Komisija za Statut i propise je konstatovala da nisu ispunjeni zakonski uslovi za provođenje dalje procedure za održavanje izbora za članove Savjeta MZ Stup II sa danom 23.04.2017.godine (nedjelja), kako je to utvrđeno Odlukom Općinskog vijeća o raspisivanju izbora za članove Savjeta mjesnih zajednica Općine Ilidža ("Službene novine Kantona Sarajevo", broj 11/17).
5. Komisija za Statut i propise predlaže da Kolegij Vijeća na sjednici zakazanoj za 20.04.2017.godine u 14 sati donese Zaključak kojim Kolegij prihvata donesene zaključke Komisije za Statut i propise i da zahtjeva od organa MZ Stup II da postupe po istim jer se nisu stekli zakonski uslovi za provođenje dalje procedure za održavanje izbora za članove Savjeta MZ Stup II za dan 23.04.2017.godine. Komisija predlaže da navedenim Zaključkom Kolegija, Kolegij treba u dnevni red 6.redovne sjednice Općinskog vijeća uvrstiti tačku dnevnog reda – *Prijedlog Odluke o održavanju izbora za članove Savjeta MZ Stup II*, čiji će nosioc izrade biti Stručna služba za koordinaciju rada MZ i Stručna služba za poslove Općinskog vijeća Ilidža.

PREDSJEDNIK KOMISIJE

Mirza Alijagić, s.r.





**Komisija za prostorno planiranje, mjesne zajednice,
komunalne poslove i ekologiju**

**Broj: 01-02-98/17-5
Ilidža, 20.04.2017.godine**

OPĆINSKOM VIJEĆU ILIDŽA

Komisija za prostorno planiranje, mjesne zajednice, komunalne poslove i ekologiju na 4. sjednici održanoj dana 20.04.2017. godine kao tačku dnevnog reda razmatrala je Prigovor na rad Zbora građana MZ-e Stup II Ilidža koji je održan dana 12.04.2017. godine.

Komisija je konstatovala da je Stručna služba za koordinaciju rada mjesnih zajednica aktom broj 11-49-354/17 od 14.04.2017. godine, dostavila Općinskom vijeću Ilidža prigovor Habota Samira na rad Zbora građana koji je održan dana 12.04.2017. godine.

Na sjednici Komisije prisustvovao je šef Stručne službe za koordinaciju rada MZ i sekretar MZ Stup II, pri čemu je Komisiji dostavljen i Izvod iz Zapisnika sa navedenog Zbora građana, broj: 11.15.49.275/17 od 18.04.2017. godine.

Na osnovu člana 78. Statuta općine Ilidža – prečišćeni test ("Službene novine Kantona Sarajevo", broj 33/10, 18/16), Komisija za prostorno planiranje, mjesne zajednice, komunalne poslove i ekologiju u postupku vršenja nadzora nad radom organa mjesnih zajednica, a povodom dostavljenog prigovora na rad Zbora građana MZ Stup II koji je održan dana 12.04.2017. godine, razmatrala je navedeni prigovor kao i naknadno dostavljenu dokumentaciju Stručne službe za koordinaciju rada mjesnih zajednica.

Komisija je konstatovala i podsjetila na činjenicu da je dana 27.03.2017. godine održala sjednicu, kada je kao tačku dnevnog reda razmatrala i zauzela svoj stav na Zaključak III Savjeta MZ Stup II od 17.03.2017. godine, u kojem je konstatovano da je Savjet MZ Stup II donošenjem navedenog Zaključka prekršio važeća pravila MZ Stup II jer je povećao broj članova Savjeta MZ Stup II sa 7 na 9 članova.

Članovi Komisije su upoznati da su doneseni Zaključci ove Komisije dostavljeni Savjetu MZ Stup II, kao i da je Savjet MZ Stup II zakazao Zbor građana za dan 3.4.2017. godine, koji je prema informacijama Stručne službe za koordinaciju rada MZ prekinut.

Cjeneći prethodno navedeno Komisija za prostorno planiranje, mjesne zajednice, komunalne poslove i ekologiju podržava zaključke koje je donijela Komisija za statut i propise na 3. sjednici održanoj 20.04.2017. godine i donijela je sljedeći:

Z A K L J U Č A K

Komisija za prostorno planiranje, mjesne zajednice, komunalne poslove i ekologiju prije održavanja novog Zbora građana MZ-e Stup II predlaže održavanje zajedničke sjednice sa Komisijom za Statut i propise i Stručnom službom za koordinaciju rada mjesnih zajednica.

**PREDSJEDNIK KOMISIJE
Tarik Stambolić s.r.**





Butmirska cesta br. 12. Sarajevo, BiH, tel/fax. +387 33 775-732 i 775-731,
centrala 775-600, www.opcinailidza.ba, E-mail: opcinsko.vijece@opcinailidza.ba





Broj: 11-49-368/17
Ilidža, 20.04.2017.godine

20-04-2017

09
Q264.
- Sastaviti uz Odluku o
održavanju Zbora JPZ II

OPĆINA ILIDŽA
OPĆINSKO VIJEĆE

Enes Corbo


PREDMET: Izvod iz zapisnika, dostavlja se

U prilogu akta dostavljamo Vam Izvod iz zapisnika sa Zbora građana mjesne zajednice Stup II održanog dana 12.04.2017. godine u 19,00 sati u prostorijama MZ Stup II u ulici Dobrinjska br. 2A.

S poštovanjem!

PRILOG: Kao u tekstu

DOSTAVLJENO:
1x Općinski vijeće
1x Općinski načelnik
1x a/a





Broj: 11.15.49.275/17
Datum, 18.04.2017. godine

IZVOD IZ ZAPISNIKA

sa održanog Zbora građana dana, 12.04.2017. godine u 19:00 sati u prostorijama MZ Stup II, ul. Dobrinjska 2/A.

Zboru građana je prisustvovalo 211 građana te je sjednica održana na platou ispred objekta mjesne zajednice. Pored građana, Zboru su bili prisutni: Sekretar MZ Stup II Jasminko Šabotić i Predsjednik Savjeta MZ Stup II Bajro Čolo.

Zborom građana je predsjedavao predsjednik Savjeta mjesne zajednice Čolo Bajro i predložio sljedeći

Dnevni red:

1. Izbor predsjednika Zbora građana.
2. Prijedlog kandidata za Savjet mjesne zajednice po teritorijalnim cjelinama

AD 1: Predloženi dnevni red je jednoglasno usvojen nakon čega je Čolo Bajro dao uvodne napomene i tražio od građana da predlože kandidate za predsjednika Zbora građana.

Grebović Elmira je predložio Šabanović Sabita i predložio da se prije glasanja kandidati obrate Zboru građana kako bi građani znali osobe za koje će glasati.

Resić Adis je predložio Zulović Džeralda.

Nakon kraćeg prepiranja Čolo Bajro je dao na glasanje prijedlog „dali građani žele da čuju obraćanje kandidata“? Obzirom da je velika većina bila za obraćanje Čolo Bajro je dao riječ prvom kandidatu Šabanović Sabitu.

U svom obraćanju Šabanović Sabit je obrazložio ukratko šta se u dosadašnjem vremenu uradilo a šta nije i šta nam je raditi a zatim naveo da se pedeset godina traži izgradnja škole a mi je ni danas nemamo i da je nećemo imati dok je sadašnja garnitura na vlasti u Općini. Takođe je napomenuo da je plan za regulaciju korita rijeke Dobrinje davno urađen i sredstva od Vodoprivrede-Slivova Save odobrena u iznosu od 2.200.000,00 KM ali su ona usmjerena na Zujevinu gdje nikada poplava nije bilo a da bi se dobilo deset duluma zemlje. Naveo je i problem nedostatka vijećnika sa ovog prostora u Općinskom vijeću dok iz područja Hrasnice, Kolonije i Butmira ih ima preko dvadeset. Na kraju je rekao da moramo zaštititi ovo naselje izgradnjom zelenih površina a zgrade neka prave u skladu sa zakonom. Rekao je da je bio odustao od



kandidature ali da od njega traže da se zaštiti ovo stanovništvo jer se dao nalog da se ova garnitura skloni jer smo im udarili u centar i što im nedamo da rade šta hoće. Zbor je samo, kaže, postupao kako su građani to od njega tražili i dodao da je pet puta traženo od Općinskog vijeća da se na dnevni red stave problemi građana Stupa II i da nikad nisu htjeli udovoljiti. On očekuje samo da se zadrži igralište za djecu, izgrade normalne zgrade, škola i da od građana traži da brane svoje avlije, svoju djecu, svoju budućnost.

Zulović Džerald rekao je da nije tačno da je gospodin Memić poslao nekoga da smjenjuje. Drugo što je naveo da se sredstva koja je naveo Sabit usmjeravaju negdje drugdje, kaže da su dobijena sredstva od Civilne zaštite i treba objasniti ljudima zašto ona nisu preuzeta. Na kraju je dodao da su ovi osam godina na vlasti i gledaju na gradnju kao da je to neka druga „mahala“ a građani Latičke i Džemala Bijedića su bili građani drugog reda. Takođe je naveo da će on raditi isto što su i oni radili do sada ali mnogo bolje.

Čolo Bajro je napomenuo građane na spremnost Šabanović Sabita da povuče kandidaturu u interesu građana ali da su građani od njega tražili da to ne čini.

Šabanović Sabit je dodao da njegovo ime nije sporno i da se može naći osoba koja će nastaviti započeti posao ako je to interes građana.

Čolo Bajro je tražio da se dizanjem ruku izjasne građani o kandidatima a zamolio je članove Izborne komisije da se pripreme za glasanje. Obzirom da je bilo prijedloga da se glasanje izvrši pojedinačno Čolo Bajro je dao prijedlog na glasanje. Nakon konstatacije da je većina za glasanje putem dizanja ruke Čolo Bajro je tražio glasanje za prvog kandidata Šabanović Sabita.

„Ko je za Sabita Šabanovića neka digne ruku.... Ko je protiv Sabita Šabanovića.... Dali ima suzdržanih“.

Zatim je tražio glasanje za drugog kandidata Zulović Džeralda. „Ko je za Zulović Džeralda neka digne ruku.“ „Konstatujem da je Sabit Šabanović novi stari predsjednik Zbora građana.“

Čolo Bajro je tražio da se pređe na drugu tačku dnevnog reda i tražio predlaganje kandidata za Savjet mjesne zajednice.

AD 2: Čolo Bajro je zamolio prisutne da prilikom kandidovanja vode računa o nacionalnoj zastupljenosti, polnoj strukturi te da su punoljetni i državljani BiH kao i stanovnici ovog naselja. Šabotić Jasminko je obavijestio Zbor da svi kandidati koji budu predloženi moraju se na kraju sjednice javiti u prostorije mjesne zajednice za potpisivanje izjave o prihvatanju ili neprihvatanju kandidature odnosno za one koji su predloženi a nisu tu da navedenu izjavu preuzmu oni koji su ih predložili i dostave mjesnoj zajednici najkasnije za 24 sata. Nakon izvršenog predlaganja kandidata u kojem je učestvovao veliki broj građana po teritorijalnim cjelinama slika je sljedeća:

R/B	PREZIME I IME	ADRESA PREBIVALIŠTA	JMB	TERITORIJALNA CJELINA
1.	Konaković Jasmin			I-CJELINA Lepenička, Dr. Ševale Zildžić-Iblizović, Dr. Seida Hukovića, Dr. Avde Sućeske i Smaila Balića
2.	Halilović Mahir			
3.				
4.				
1.	Vukotić Mirza			II-CJELINA Dobrinjska i Zdenka Markulja
2.	Bašić Amir			
3.	Habota Samir			
4.				



Dobrinjska br.2A. Sarajevo, BiH, tel/fax. +387 33 622-034

www.opcinailidza.ba, E-mail: mzstup2@opcinailidza.ba

OB-QMS-750-179; izd. 1. 01.02.2013.



1.	Međuseljac Dževahira			III-CJELINA 14.maja, Mehmedalije Bojića, Salke Terzića i Kasindolskih žrtava
2.	Prguda Azem			
3.				
4.				
1.	Avdović Amin			IV-CJELINA Davorina Popovića, Dr. Ibrahima Tepića, Dr. Atifa Purivatre, Aleja Bosne Srebrene, Aleja Branka Bujića, Zuhdije Kadrića i Kurta Schorka
2.	Suljević Elhan			
3.	Dizdarević Zlatija			
4.				
5.				
1.	Čatović Alem			V-CJELINA Stupska, Latička i Džemala Bijedića
2.	Hasanagić Sibila			
3.	Fatić Elma			
4.	Branković Mulija			
5.	Begović Senad			
6.	Resić Adis			
7.	Suljić Nedžad			
1.	Muhović Hamid			VI-CJELINA Kasindolska
2.	Čolo Bajro			
3.	Jajagić Dino			
4.				
1.	Duboković Elvedin			VII-CJELINA Nikole Kolumbića Šake i Fridrich Adolfa
2.	Mujezinović Sejad			
3.	Ilić Dominko			
4.	Godinjak Jasmina			

Sjednica Zbora građana je završena u 19⁵⁵ sati



PREDSJEDNIK SAVJETA
Čolo Bajro



Dobrinjska br.2A. Sarajevo, BiH, tel/fax. +387 33 622-034

www.opcinailidza.ba, E-mail: mzstup2@opcinailidza.ba

OB-QMS-750-779, izd. 1. 01.02.2013.





Broj: 11-49-354/17
Ilidža, 14.04.2017.godine

14 -04- 2017

Dostaviti kolegiji 01
[Handwritten signature]

OPĆINA ILIDŽA
OPĆINSKO VIJEĆE

PREDMET: Dopis mz Stup II, dostavlja se

U prilogu akta dostavljamo Vam dopis mjesne zajednice Stup II broj: 11-15-49-266/17-1 od 14.04.2017. godine koji se odnosi na prigovor Habota Samira na rad Zbora građana koji je održan 12.04.2017. godine.

S poštovanjem!

PRILOG: Kao u tekstu

DOSTAVLJENO:

1x Naslovu
1x a/a



ŠEF STRUČNE SLUŽBE

[Handwritten signature]
Enes Čorbo





Broj: 11-15-49-266/17-1

Datum: 14.04.2017. godine

OPĆINA ILIDŽA

Služba za koordinaciju rada mjesnih zajednica

PREDMET: Dostava .-

U prilogu akta dostavljam Vam prigovor Habota Samira na rad Zbora građana koji je održan 12.04.2017. godine.

S poštovanjem.

DOSTAVLJENO:

2x Naslovu

1x a/a



SEKRETAR

Jasminko Šabotić



HABOTA SAMIR

Ul. Dobrinjska 19

ILIDŽA

OPĆINA ILIDŽA

OPĆINSKO VIJEĆE

Bosna i Hercegovina
Federacija Bosne i Hercegovine
Kanton Sarajevo
Općina Ilidža

Broj: 11-15-49-266/17
Ilidža, 14.04.2017.

PREDMET: Prigovor na rad Zbora građana MZ Stup II.-

Na sjednici Zbora građana MZ Stup II održanoj dana 12.04.2017. godine prilikom izbora predsjednika Zbora građana prebrojavanjem glasova (glasanje izvršeno podizanjem ruku) niko nije konstatovao tačno koliko je imao glasova jedan a koliko drugi predloženi kandidat. Za predsjednika Zbora je imenovan kandidat koji je imao "većinu" glasova što je neprihvatljiv način prebrojavanja glasova. I nakon "izbora" predsjednika sjednicu Zbora je i dalje vodio predsjednik Savjeta.

Predlaganje kandidata za članove Savjeta takođe nije urađeno po usvojenim normama jer za određene cjeline kandidovan je samo po jedan kandidat a u nekim ni nakon 24 sata kandidati nisu potpisali izjavu da prihvataju kandidaturu što znači da od sedam cjellina tri cjeline ostaju samo sa jednim kandidatom.

Smatram da Zbor građana nije proveo izborni postupak po važećim normama i tražim poništenje i novo provođenje izbornog postupka u ovoj mjesnoj zajednici.

Ilidža, 14.04.2017. godine

Habota Samir

